






John Carter Brown
Library
Brown University

AKW
4850

C 03-



6

THEORIA FEBRIS.

CUJUS VERITATEM DEO DUCE
& Auspice Dei-Parâ in Augustissimo Mons-
pelienſis Apollinis Fano, tueri conabitur Autor
FRANCISCUS LAMURE, Martinicanus apud
Americanos, Artium Liberalium Magiſter &
Medicinæ Studioſus, die menſis Ju
anno 1738. ab horâ octavâ ad meridiem.

PRÆSIDE

ILLUSTRISSIMO D. D. FRANCISCO SAUVAGES
DE LA CROIX, Regis Conſiliario & Medico, in Mons-
pelienſium Medicorum Academiâ Professore Regio, Societati
Regiæ Scientiarum Adjuncto, & Bitterrenſis Scientiarum, & Hu-
maniorum Litterarum Academiæ Socio.

AD PRIMAM APOLLINAREM LAUREAM
conſequendam.



MONSPELII;

Apud JOANNEM MARTEL, Regis Typographum
& Universitatis. 1738.

THE NEW YORK

LIBRARY

OF THE CITY OF NEW YORK
ASTOR LENOX AND TILDEN FOUNDATIONS
150 N. 4TH ST. N. Y. C.

RECEIVED
JAN 1 1892

NEW YORK

1892

APC

R. R. D. D.

PROFESSORES REGII.

Illustrissimus D. D. FRANCISCUS
CHICOYNEAU, *Cancellarius &
Judex, Regi à Secretioribus Consiliis Ar-
chiatrorum Comes.*

DISPUTATURI.

- R. D. FRANCISCUS CHICOYNEAU,
Cancellarius & Judex, Patris Coadjutor.
R. D. Petrus Rideux, *Decanus.*
R. D. Antonius Magnol.
R. D. Henricus Haguenot.
R. D. Jacobus Lazermes.
R. D. Gerardus Fitzgerald.
R. D. Eustachius Marcot, *Regis Medicus
perpetuò Ordinarius.*
R. D. Antonius Fizes.

DOCTORES ORDINARIII.

- D. Petrus Guisard.
- D. Petrus Fournier.
- D. Guillelmus Pelissier.
- D. Claudius Chaptal.
- D. Carolus Seranne.
- D. Iosephus Butet.
- D. Thomas Fitz-Maurice.
- D. Petrus Magnol.
- D. Antonius Lauffel.
- D. Jacobus Cros.
- D. Franciscus Canadell.
- D. Honoratus Petiot.
- D. Vergnes.
- D. Andraas Blanc.
- D. Petrus Calvairac.
- D. Petrus Tioch.
- D. Michaël Macnemara.



ILLUSTRISSIMO

AC NOBILISSIMO VIRO

D.D. FRANCISCO

CHICOYNEAU,

Regi à Secretioribus Consiliis , Archiatro-
rum Comiti ; in almâ Monspeliensium
Medicorum Academiâ Professori Regio ,
Anatomico , Botanico , Cancellario Am-
plissimo , Judici æquissimo , Horti Regii
Monspeliensis Præfecto , Regiæ Scientia-
rum Societatis Socio meritissimo , & in
supremâ Computorum , Subsidiarum ,
Fiscique Regii Occitanix Curia Senatori
integerrimo.

PRIMAS STUDIORUM SUORUM

Curas æternum observantia Specimen

D. D.

FRANCISCUS LAMURE , Martinicanus.



PREMIUM.

IN omni febre vim sanguinis intendi contentur qui ipsam ex pulsus frequentia adeoque velocitate sanguinis majori, volunt aestimari, cum autem fluidorum moles eadem est, vis eorum sequitur rationem velocitatis duplicatam (Pittot *Manœuvre des Vaisseaux*) adeoque potentias motrices pari ratione fuisse adauctas necessum est (Sgraves. Instit. 69.) atque cum sanguis ter, quater, velocius fluit illum à potentiâ novies, sexdecies majori premi, consequitur. Unde tanta virium multiplicatio: quænam potentia in corporis penetralibus, latens has procellas excitat. 1°. Mirabilis est planetarum non retardata circulatio, sed quâ de causâ in spatio ferè vacuo retardaretur: stupendus maris alternatus & regularis æstus, verùm intellecta Solis & Lunæ in globum terraqueum diurno motu gyratum gravitatio, admirationem imminuit. Sanguinis uniformem in sanitate periodum de die in diem non retardari mirum magis, in statu vero febrili citra externam pressionem accelerari, hoc captum humani ingenii supera-

re videtur. Nisi præsit motrix potentia quæ
motûs jacturas continuas continuò reparet
& motum pro datis resistentiis intendat. Se-
cùs enim motus sanguinis intra tubos ejus-
dem secum densitatis provoluti & in du-
plicatâ distantiarum à corde ratione retar-
dandi, brevì sufflaminaretur. 1° Motum
perennem planetarum intelligimus quia sit
in vacuo, motum perennem fluminum non
miramur, quia vis gravitatis in alveis de-
clivibus crescens, eorum cursum accelerat
in subduplicatâ declivitatum ratione; in
exundatione molem majorem velociùs pro-
volvi concipimus, quia motrix potentia
sectionis aquarum altitudini, in supradictâ
ratione respondet. Verùm motum perennem
in machinâ licet artificiosissimè & divinitus
fabrefactâ impossibilem esse demonstrarunt
Mechanici, nisi potentia motrix, alia quam
gravitas, attractio, & elasticitas, alternatim
admoveatur. Quod evincunt, hac in re ce-
lebrum Virorum Bernoullii, Patr. Seb. Tru-
chet &c. conatus frustranei. 3°. Hanc dif-
ficultatem senserant Physici sagaciores, ut
illustriss. huius Scholæ fidus, D. Chirac, de
motu cordis, D. Senac *Comment. in Heister. de*
respir. Viderant quippe æquilibrium brevi
superventurum, nisi motrix accederet po-

rentia: Hinc plures ad vim explosivam, expansivam & fermentativam confugere, verum similes in sanguine vires reperire non potuerunt Neoterici. Borell. l. 2. de mot. anim. propos. 221. Boerrhave Elem. Chem. de sanguine. Si figmenta millena ad Phænomenon explanationem adhibenda sint, satius est animi pendere quam principiis falsis acquiescere. Ab obstructionibus, ligaturis febres exoriri videmus, seu accelerari motum sanguinis, ergo reperienda est causa motrix quæ pro resistentiis oblatis intendatur, ut ipsa voluntas quandoque à difficultatibus intenditur. Pulveris quidem pyrii semel accensi vis expansiva eò majores effectus exerit, quò magis is fuerit compressus, quia in proximitatis granorum duplicatâ ratione crescit ejus attractio cui vis explosiva debetur & proximitas compressioni granorum respondet. Verum nil simile in corde reperire est, ad vim centrifugam vorticum ætheris cum Abbate Molerio, ad rotationem globulorum sanguinis, confugitores eodem redibit. Imaginationis commenta dies delebit.

4°. Qui Cartesio nimis sunt mancipati, in eo errant graviter quod ad motices potentias nunquam attendant, & existent motus

motus quantitatem universam nunquam de-
crescere, sed tantum à corpore movente in
motum transire, maximè si elastica sint cor-
pora. Contrarium ab experimentis millenis in
pleno ac in vacuo institutis evicit Newton.
Quæst. opt. 3 10. Clark Comm. in Rohaltium
&c. adeoque à percussione nisi renovetur,
motus sanguinis intendi non potest, ne qui-
dem perennari. Solæ attractivæ potentia
(elateris excepto) ut sunt gravitas, fermenta-
tio, putrefactio magnetismus, explosio
motum producere & productum accelerare
possunt, in quarum numero animæ impe-
rium recensendum est. Qui itaque febrem
deducere conantur ex elatere fibrarum &
vasorum, illi spe suâ decidunt, nam illi
contendunt vasa cò altius sese contrahere,
quò à sanguine contento & cumulado magis
fuere distensa, quæ contractio ab elatere
fieri nequaquam potest. Nam vires, utcum
Bernoullio & Hermiano loquar, *mortuæ*, qua-
les sunt gravitatio, pressio fluidi vas elastici
cum distendentis sunt permanentes & cum
semel elaterem flexerint illum flexum constan-
ter retinent, illæ cum suffecerint ad flexen-
dum quidni sufficerent ad retinendum?
è contra verò vires *vivæ* seu cum velocitate
finitâ & impetu, quoniam continuo de-

crescunt pari passu quo elateri flectendo infumuntur illæ, inquam, elateris restitutionem non præpediunt. Tympani membranam percutite, ipsa resurgit, hanc affusâ semel aquâ aut imposito quovis pondere premite, non resurget.

5°. Magis à scopo aberrare videntur illi qui nullam motricem causam invenire fatagunt, sed ex plethorâ seu mole sanguinis adauctâ, ex angustîâ obstructione seu resistentiâ majori, velocitatem sanguinis mechanicè intendi existimant. Si fluidum à vi constanti & æquali compressum, evaserit rarius, velocitas ejus crescit in subduplicatâ raritatis ratione. Hoc demonstravit Mariottus de motu aquar. Reg. 27. si moles minor ab eâdem vi motrice sit movenda, velocitas ejus in ratione molis inversâ adaugebitur, verùm à mole sanguinis adauctâ febrem immediatè deducere hoc mechanicis legibus directè repugnat. Vasa, inquiunt illi, sanguine magis distensa minorem respectu molis movendæ superficiem obtinent, ergo minorem attritum sanguis patietur superficiei scilicet proportionalem. Verùm 1°. ipsi non demonstrant ex datâ vasorum obstructione sanguinis molem crescere. 2°. Non advertunt attritum corporum, moli prementi propor-

none respondere, ut evincit D. Amontona
Act. ac. 1699. 3^o. Resistentiam ex mole
adauctâ sequi duplicatam diametri vasorum
rationem, ut sequitur moles: resistantiam
verò ratione superficiei cylindricorum vaso-
rum minoris, imminutam esse tantum in
ratione ipsius diametri simplâ. Unde corrui-
t illorum sententia: sed obijcient alii, angus-
tatis sanguinis ductibus per venarum com-
pressionem, per capillarium aliquot obstruc-
tionem sanguinis tranaturi per libera velo-
citas in angustia ratione crescere debet ut
videmus in fluminibus. (Demonstrante Gui-
glielmino S. 1. Propos. 3. de mensurâ aquar.)
velocitatem esse alveorum fluminis sectioni
reciprocè proportionalem. His respondemus
molem eandem sanguinis duplò velocius mo-
veri non posse nisi à vi duplâ; verum si du-
plò sit angustior fluidi canalis & eadem per
ipsum transeat fluidi quantitas ipsum duplò
velocius moveri necessum est, ergo vis du-
pla prioris requiritur. Sic angustato fluminis
declivis & alte marginati alveo, si vis motrix
seu altitudo aquæ non crescat ut cum per
laterales ductus effunditur, tunc non crescit
aquæ velocitas, sed si appellens aqua cumu-
latur & ad altitudinem majorem ascendat,
velocitas aquæ crescit ut radix quadrata hujus

ius altitudinis. Vide Bernoullium *Serm. de
motus communis*. Præterea si canalium angus-
tia esset causa velocitatis fluidorum, quo-
niam causis proportionales sunt effectus, ex
angustiâ infinitâ, seu totali obturatione ca-
naliū sequeretur infinita velocitas, quod
repugnat. 6°. Speciosa primo intuitu simpli-
citate refulget eorum opinio qui ex obstruc-
tis sanguiferis ductibus per laterales quosdam
liberos & vel rectiores vel cordi viciniore
sanguinem ad cor redire contendunt. Verum
ex eo quod via brevior facta sit inde velocitas
non est adaucta, sanguis in statu sano per
coronarias partim ad cor revehitur, quis
inde febrem deduxerit, fortè supponunt ipsi
per vas liberum tantam sanguinis copiam
transire quanta prius per ipsum & vasa obs-
tructa transire debuerat. Verum demonstrant
Hydraulici vires motrices tantò majores re-
quiri, atque his inventis febris explicabitur
seu velocior motus sanguinis tam per vicina
quam per remotiora vasa. Præterea obstruc-
tis quibuscvis visceribus ut ventriculo, rene,
utero &c. sanguis per longiorem, pedum scilicet
viam ad cavam & cor tendet, quod ipsi
non adverterant.

Hæc ad confutandas varias de febribus
hypotheses sufficere videntur, verum ad


certiorem stabiliendam sententiam non suffi-
ciunt. Inquirenda scilicet potentia motrix
in corpore animato quæ motum citra exter-
nam impulsione[m], imò non obstantibus
resistentiis & angustiiis, in sanguine adau-
geat; quæ juxta regulares periodos illius
æstum moderetur ut in febribus intermit-
tentibus & exacerbantibus; quæ etiam, ut
omnibus symptomatis fiat satis, ab irâ, fu-
rore, effreni desiderio intendatur, ab aliis
pathematis mœrore stipatis aut terrore, dis-
jiciatur, quæ etiam, in certum elective si-
nem rationalem, hanc cordis violentiam
excitet ut in humoris morbifici correctionem
vel eliminationem; quæ fluidorum anado-
sim & impetum non ex consuetâ vasorum
diametro & inclinationis sinu dirigat, sed
quandoque constrictis quibusdam vasis ad
alia sanguinem determinet ut in motibus
humorum anarhopis, catarhopis & peculiari
visceris inflammatione fieri observarunt Ve-
teres: numquid inest corpori viventi prin-
cipium motus internum instinctûs, *anima*,
naturæ nomine cognitum? Verùm nullam,
objicient, exceptâ voluntate, facultatem
motricem in animâ novimus, & volunta-
tem ad motum cordis non concurrere cer-
tum est. Apprimè quidem, sed evolvamus


Veteres , ubique reperiemus ipsis cognitam
fuisse animæ vim per quam vivimus , mo-
vemur & functiones vitales ipsas exequimur.
River. Physiol de Facultatib. Fernel , perdul-
cis , Duretus &c. Omnes ante Cartesii tem-
pora Medici *natura* nomine eam animæ fa-
cultatem intellexere. Imò cùm ex Legibus
motuum sympathicorum febrem deducunt
Neoterici , animæ similem vim motricem ,
quæ nobis insciis imò invitis agat , innuere
videntur ; quorsum enim ad novas leges
recurrerent , si ex mechanicis rem expediri
posse putarent ? verùm oggeret quispiam ,
naturam insipientiæ accusandam pluries esse ,
quæ morbos causâ occasionali peiores exci-
tet ; esto , nonne satius est errorem naturæ
adscribere , quam legum sympathiæ æqui-
tatem aut quod eodẽm recidit , earum au-
toris adorandam culpam providentiam. Ast ,
instabunt , quid demùm ad praxim conferet
illa theoria ? audite præstantissimos hac in-
re Viros , natura morborum est medicatrix ,
ait *Hippocrates* 6. Epid. illa licet inerudita
invenit sibi ipsa vias ad curandos morbos &
quidquid ad sanitatem conducit , per se , non
ex consilio , exequitur. Quò vergit ea cõ du-
cendam est per loca convenientiora. Medi-
cus inquit *Baglivus* naturæ minister & in-

terpres quidquid meditetur & faciat si natura non obtemperet, natura non imperat; in febribus præsertim acutis, ait Sydenhamus nisi ob ægrotantis errores nimis langueat aut nimis ferociat humorum impetus, totum curationis opus providæ naturæ est committendum. Evolvite Ballonium, versate Duretum, omnes idem ebuccinant. Sed hæc suffecerint, jam verò præsentato nostro hanc idæam evolvere conanti, locum faciamus. Hactenus D. illustrissimus Præses.




THEORIA





THEORIA FEBRIS.

UOTIES enucleandum proponitur quodvis Phænomenum prius inquiri solet quid sit, quàm ejus indagentur causæ, causarum pari methodo expositionem subsequitur variorum quibus stipatur Phænomenulorum explanatio : Eundem in pertractandâ Febris Theoriâ ordinem auspicabimur, ut pòte quæ veluti quoddam circulationis sanguinis Phænomenum spectari potest : tres itaque hunc in finem statuentur Articuli, quorum alter essentiam Febris, seu quid illo nomine intelligendum veniat exponet; alter causas, præcipuè causam proximam perscrutabitur; ultimus denique variis symptomatibus summatim ex-

ponendis totis insumetur, quem excipiet
brevis Appendix Objectionum quas in pro-
positam sententiam afferre solent Adversarii.

Cum autem in dilucidando rei cujuslibet
argumento nulla methodus synthetica prior
sit, quæ nimirum à generalioribus ad spe-
cialia progrediendo, à cognitione magis
notorum ad minus notorum cognitionem
quasi manu ducit, eâ utemur: Propositio-
nes plurimas (variis prout opus erit postu-
latis præmissis) exponemus, ex quibus Co-
rollaria deducta quam tuemur sententiam
liquido patefacient.



ARTICULUS PRIMUS.

De Essentiâ seu Definitione Febris.

Definitiones generales.

I.

MOrbi cujusvis definitio brevis est &
nitida symptomatum illius Pathogno-
monicorum expositio.

II.

Symptomata morbi pathognomonica ea sunt

3
quæ illi propria , ab ipsoque individua de-
prehenduntur.

Postulatum phisologicum.

Vires animales & vitales finitæ sunt , &
inter se sunt in datâ proportionē. Pitcarn.
Elem. Med. Mathema.

PROPOSITIO .PRIMA.

In omni febre pulsus frequentior est &
major quàm à præsentī virium muscularium
gradu debeat expectari.

In assignandis quæ in morbo quolibet re-
periuntur essentialiter & individue sympto-
matibus sola prodesse valet Medicorum om-
nium observatio ; atqui observarunt omnes
Medici , & singulâ quâque die experiuntur,
in febribus quibuscumque tum magnitudi-
nem , tum frequentiam pulsûs crescere in
majori ratione ad vires musculares quam in
statu sano , seu motus artuum debilitari , &
motum pulsûs intendi. Ergo asseverandum
est in omni febris specie dari frequentiam &
magnitudinem pulsûs notabiliores quàm à
præsentī virium gradu expectandum esset.
Et certè frequentiam & magnitudinem pul-
sûs pensitari debere relative ad præsentēs
ægri vires musculares facili operâ demonstrari
potest,

A ij

PROPOSITIO SECUNDA.

Frequentia pulsûs & magnitudo pensitan-
dæ sunt relativè ad præsentes ægri vires
musculares.

Nullus assignari valet , sive frequentia ;
sive magnitudinis gradus ultrà quem præcisè
delatus , aut citrà quem imminutus peccare
dici possit arteriarum pulsus. Repetito va-
riâ frequentia cordis ictu , variâ magnitudi-
nis intensione , optimâ fruuntur valetudine
varii homines , æquè facilè in iis perficitur
circulationis necessaria functio , undenam
illud ? quia nimirum in quolibet subjecto
semper adest proportio certa vires inter
musculares , & vires cordis & arteriarum ;
ita ut utraqûe illa vis sibi invicem respon-
deat. Circulationem igitur absolvi rectè asse-
rimus , quoties hancce proportionem subsis-
tere compertum est , & proinde contrariorum
lege, vitiata pronunciari debet tunc temporis
solummodò , quo tollitur supra memorata
proportio. Ergo cum in febre primario læ-
datur circulationis negotium , læsio illa re-
pente ea est ex eo quod magis , vel minus
imminuantur vires musculares , adauctâ , aut
eâdem manente vi cordis. Ergo patet inte-
gra Propositio.

Præterea virium corporis nostri summa est ut quantitas fluidi nervei vasa tranantis, sive motibus voluntariis intendatur, sive vitalibus; sed quantitas illa finita est, cum vires nostræ finitæ sint juxta physiologicum postulatam; ideò dum inter vires superius memoratas constans viget proportio, liquidum nerveum in datâ ratione fertur ad singulos corporis musculos; nequit igitur alio pacto solvi illa virium proportio, quam majori illius liquidi influxu in quamdam partem cæteris aliundè paribus; porro illud posse fieri non concipitur quin tantumdem de viribus cæterarum partium adimatur, quantum plùs solito uni cuidam parti additum fuit. Ergo quâ proportionè adaugebitur cordis motûs frequentia & magnitudo in febrili statu, eâdem imminui debent vires musculares.

SCHOL. Vis pulsus est in ratione compositâ ex ratione magnitudinis ejus, & ex ratione velocitatis secundum axim seu frequentiam pulsûs.

COROLLARIUM

In quo statuitur definitio Febris.

Cùm definitiones vocum arbitrarie sint

cuilibet licitum est febris nomine tantum
 eos morbos vocare qui solito majori calore
 cum veteribus, vel pulsuum numero cum
 Neotericis stipantur. Verum ablegandæ, aut
 prorsus alio nomine erunt donandæ febres
 algidæ in primo casu, & in secundo, febres
 malignæ in quibus pulsuum numerus solito
 quandoque minor est, aut æqualis, febrium
 nomen exuent. Quod cum ita sit, aptiorem
 imò & veram febris definitionem intelligi-
 tur eam fore quæ omnia quotquot in morbis
 illis quos febriles dicunt Medici, constan-
 ter observata fuere symptomata complecti-
 tur: Jam verò vidimus observatione Medi-
 corum omnium constare magnitudinem &
 frequentiam pulsus in hocce præternaturali
 affectu notabiliore esse quam ferre viden-
 tur præsentis ægri vires musculares, & re-
 verà rem ita se habere rationum momentis
 probare quantum in nobis fuit annisi sumus;
 ergo febris nomine intelligendus venit sta-
 tus ille corporis præternaturalis permanens,
 in quo pulsus frequentia & magnitudo no-
 tabiliores sunt quam à præsentis virium gra-
 du expectandum esset.

SCHOL. Eo loci notatum velimus, quo-
 tiescumque de febre ut morbo loquimur,
 febrem à nobis spectari prout præternaturæ.

lem conditionem inducit in corpore, nullâ ratione habitâ finis propter quem excitatur hujusmodi status; sub hoc enim respectu, nil aliud esse concipitur quam salutare conamen vitalis principii circulationi sanguinis positos obices semovere nitentis.

ARTICULUS SECUNDUS

De Causis Febris.

De Causâ Febris proximâ.

CAUSA proxima morbi appellatur tota illa simul quæ totum jam præsentem directè constituit, hujus præsentia ponit, continuat morbum, hujus absentia eum tollit. Boërrave n°. 740.

De causâ febris proximâ plurimæ circumferri solent opiniones; alii nempe fermentationem sanguinis præternaturalem, alii vim stimuli cordis adauctam incusant; denique ab obstructionibus immediatè produci nonnulli existimant, quam tamen sententiam in Scholis maximè vigentem, ideo scrupulosius rationis trutinâ librandam esse ducimus, antequam nostra de quæstione

8
proposita stabiliatur opinio, quæ etiam cum
nonnulla demonstrata supponat, Articulus
iste tres sortietur Paragraphos, quorum unus
falsitatis arguet obstructionum hypothefim,
alter motum cordis fieri non posse automa-
ticè probabit, tertius denique animæ domi-
nium in functiones etiam vitales evidenter
demonstrabit.

Postulata Physica.

I^{um}.

Motus est effectus potentia motricis quæ
corpori applicata efficit ut ex uno loco in
aliu transferatur.

II^{um}.

Acceleratio motus in corpore, cæteris
aliunde paribus, producitur à potentia mo-
trice intensius agente.

III^{um}.

Corpus quiescens motum cæteris corpo-
ribus nequaquam impertiri potest.

C O R O L L A R I A.

Unde non abs re erit illud etiam elicere
vasorum quorumcumque angustiam accele-
rando

9
tando motui liquidi intra ea fluentis, im-
parem esse, proindeque penitus rueret pro-
positionem illam quâ vulgò tanquam axio-
mate, asseritur fluidi motum accelerari
quoties è lato in angustius fluit.

IV^{um}. *Postulatum.*

Celeritas corpori impressa est in ratione
composita potentiae motricis directe, & mo-
lis movendae inverse quibus postulatis sit.

PARAGRAPHUS I.

Propositio Unica.

Sanguis hærens in ultimis arteriarum fan-
guiferarum capillamentis frequentiam pul-
sûs inducere nequit.

Juxta Postulatum physicum celeritas cor-
pori impressa est in ratione compositâ ex ra-
tione potentiae motricis directe, & molis
movendae inverse, seu quod idem est corpus,
eò celerius movetur, quò majores sunt vires
trusivæ eâdem manente massa, aut quo ma-
gis imminuitur moles movenda iisdem ma-
nentibus trusivis potentiis; unde deducitur
irrefragabiliter frequentiam pulsûs, seu ce-
leriorem sanguinis ad cor reditum à fan-

guine in capillaribus vasculis hærente Inducendum nunquam fore, quin per se vel totam molem sanguineam imminuere valeat, iisdem subsistentibus cordis viribus, vel eadem superstitè massâ vires illius musculi trusivas adaugeat. Sed neutrum dici potest: & primo quidem ab obstructionibus vasa minima infarciuntibus molem totam sanguinis nullo modo imminuendam sat liquido patet, & nullus est, ut opinor, qui huiusce modi commentum tueri sustineat.

2°. A sanguine hærente trusivas cordis potentias adaugeri nemo dixerit qui vel primas motuum communicationis leges tantillum calluerit, quippè quem fugit motum corporibus imprimi non posse, nisi à potentiâ quâdam motrice? num sanguis hærens, quiescens, potentia motrix dicetur, cum è contra constet ipsummet nunquam movendum absque potentiæ motricis cuiuscumque auxilio; ergo vires trusivæ cordis à sanguine hærente non adaugentur, nec etiam imminuitur moles movenda, igitur in confesso sit à sanguine hærente nihil ex iis præstari quæ sanguinis celeriores ad cor regressum producere valeant, ac proinde inconcussam manere propositionis summam.

Nec latet motum sanguinis circulatorium

positis obicibus adauctum dici non quidem directè , sed tantum indirectè in quantum , v- g. vires quæ in reliquo canalium obstructionum tractu exercitæ fuissent nullâ obstructione datâ , nunc totæ impendantur propellendo sanguini per vasa liberiora collateralia : sed quam parum ratione innixi illud asseverent ex eo demonstrari poreft quod minor solito sanguinis copia fluat in vasa obstructis collateralia ; neque illud gratis dictum exprobetur , demonstravit enim Clarissimus Bellini * sanguinis quantitatem , sectâ venâ non modo majorem fluere in vas sectum , sed etiam in reliqua vasa conjugata , eo tamen cum discrimine ut majori copiâ ipsummet vas sectum perlueret , quam reliqua proportionem servatâ. Ergo lege contrariorum , quoties vas quoddam obstructum supponetur , non solum ad illud minor pervenit sanguinis quantitas , sed etiam ad vasa collateralia & conjugata , eâdem servatâ , quæ superius innuitur , proportionem. Ergo nullatenus asseverari potest positis obstructionibus sanguinem majori vi , majorique copiâ divertere ad collateralia , unde citius ad cor regredi possit.

* Propos. 1. de sanguinis missione.

COROLLARIUM.

Unde facili negotio deducitur ratio. Legibus parùm consentaneam videri obstructionum hypothesim, cum principiis falsissimis ioinitur, ut probatum fuit.

SCHOL. Aliis quoque rationum momentis in hancce sententiam inveli posse obiter eo loci notabimus, quippè posita semel eâ causâ quæ velut proxima morbi spectatur, morbus ab ipsâ pendens necessariò poni debet: igitur si per se & immediatè accelerationem sanguinis motum, & proinde frequentiores cordis ictus procreent obstructiones in arteriarum extremis factæ, quoties dari supponuntur, illicò celeriorẽ quoque sanguinis ad cor regressum adesse constabit, quod tamen in quâcumque obstructionum in arteriarum ultimis finibus suppositione fieri non posse, vel ipsorummet opinionis illius fautorum iudicio evincetur: Quid enim vetat extrema arteriolarum à corde minus distitarum obstrui, arteriæ v. g. Ruifchianæ capillamenta? supponuntur obstructa; nonne hujuscemodi obstructionibus datis velociùs ad thalamos cordis cruor regreditur? minimè quidem, nimirum ideo in

cæteris obstructionum casibus, sanguis re-
vehetur ad cor majori celeritate, quia mi-
nus spatium habet percurrendum ut pote
qui per vasa cordi propiora ipsum tunc
temporis subire tenetur: Ergo ubi nedum
imminuatur, imò & adaugetur vasorum
perlustrandorum tractus longè minoris ce-
leritatis impetu cordis ventriculos sanguis
ingredietur: illud verò sic se habere positis
obstructionibus in arteriarum cordi vicinio-
rum extremis nemo non viderit »

Si quidem intra vasorum propiora extrema
liberum circuitum absolvere non valens san-
guinis columnula quæ fines illos ultimos an-
teà perlustrabat ad collateralia divertere co-
getur; sed eâ hypothesi factâ arteriæ colla-
terales reperientur majori à corde inter-
vallo dissitæ; ergo sanguini majus occurret
peragrandum spatium, lentiùs proinde ver-
sus thalamos cordis fluet, lentiores conse-
quenter fient contractiones. Ergo non modò
non ponetur febris sed statuatur quædam
circuitûs sanguinis conditio ipsi prorsus op-
posita. Ergo positis obstructionibus non sem-
per ponitur effectus ille quem ab ipsis pro-
duci jactitatur, & idcirco genuina illius
causa immediata & proxima assignari ne-
queunt: insuper circuitione utuntur, illius

hypothesis assertores , dum inquirentes causam frequentioris arteriarum dilatationis recurrunt ad frequentiore cordis sistolem; hanc verò in frequentiore arteriarum oscillationem refundunt , sicque vitiösium circulum faciunt. *

PARAGRAPHUS II.

In quo probatur motum cordis merè mechanicè perennari non posse.

Motu merè mechanico eum intelligimus qui semel machinæ cuidam impressus vi solius dispositionis seu mechanismi , in ipsâ perennatur , idcirco ut motum cordis merè mechanicè continuò peragi , aliquo innixus rationis fundamento quis asseverare queat , ipsi incumbunt demonstrandæ in structurâ illius musculi certæ dispositiones , mechanismi certi quorum subsidio adjuta machina , independenter à quibuscumque aliis causis , necessarias adeò thalamorum cordis alternatas constrictiones ciere valeat : è contra verò ut hujuscemodi perennationem

* D. Haguénor , Pagina 19. de Febribus.

1)
mechanicam rectæ rationis legibus nullatenus congruam esse demonstretur, evincendum est nihil ipsi producendæ par in corde reperiri, quod quidem probatu non sumo-
moperè arduum suscipimus qui motus merè mechanicos in humano corpore, à causâ intrinsicâ, nunquam fieri posse autumandum opinamur, itaque statuendum est, cum omnibus omnino Anatomicis structuram cordis eandem esse ac cæterorum musculorum quoad fibras ipsius compositionem ingredientibus; ideò fibris dumtaxat carneis diversimodè, textuque robustiori inter se compactis conflari, quæ quidem fibræ elasticitatis vi pollent & causâ contractionis generali contractiles deprehenduntur. Iisce notatis, nemo non videt cordis motum, posito quod merè mechanicè fiat, ab iisce tantummodo viribus repetendum, cum solæ in hocce musculo reperiantur, ac proinde, si probetur hujusmodi vires, tum sejunctim, tum collectivè sumptas huic motui perennando impares esse evidens erit fictitiam fore dispositionem illam qua alterni cordis motus merâ necessitate mechanicâ, & ut aiunt, automaticâ fieri dicentur: atqui neque vis elateris sola, neque sola contractilitas, neque tandem vires illæ

simul sumptæ proposito effectui inducendo ,
sufficientes esse possunt , quæ tria singulis
propositionibus evincenda veniunt.

PROPOSITIO PRIMA.

*Fibrarum cordis Elasticitas ejus motus
perennando non sufficiens est.*

In homine sano pulsus observatur æqua-
lis , proinde contractiones cordis fiunt æqua-
li temporis intervallo à sese invicem distinc-
tæ ; præterea eâdem vi digitum explorantis
ferit arteria , igitur æquali virium momen-
to , sanguis intra illam , à ventriculis cor-
dis quâlibet contractione propellitur ; ergo
fibræ illius musculi , sanguinis circuitum
elaterere suo producentes , cruorem semper
cogunt exilire eâdem motus quantitate ,
& exinde nihil omninò deperdunt de motûs
gradibus , qui ipsis communicati fuere ,
sed implicat & experientiæ prorsùs adver-
satur illud ita fieri ; nempe receptum est ,
apud omnes Physicos , & repetitis Clarissimi
Neutoni Experimentis evictum fuit ; cor-
pora ea quæ summè elastica novimus , dum
sese restituant , numquam eundem præcisè
motus gradum referre quem acceperunt ;
scilicet

scilicet vitrum quod majori, quam quodvis aliud solidum corpus elateris vi præstat, decimam sextam motûs communicari partem amittit, dum sedem à quâ dimotum est repetit: Ebur quoque summe elasticum decimâ tertiâ motûs impressi parte, dum restituitur defraudari in confesso est: ergo fibræ cordis quas iisce corporibus magis elasticas nemo pronunciavetit majorem adhuc de motu communicato portionem perdere censendæ sunt & hocce pacto post quasdam cordis contractiones quarum vis continuò decrescet, si solius elaterii ratio habeatur penitus abolebitur cordis motus, secus ac experienciâ uniuscujusque constat: ergo liquet solas elasticitatis vires motui cordis perennando impares esse.

SCHOL. Elasticitas perfecta dicitur quando partes idæ ad pristinum situm redeunt vi æquali illi quâcum fuere idæ. Gravesande 364. nulla corpora perfectè elastica nobis esse nota ipse cum aliis Physicis asserit. Quis dixerit fibras nerveas & carneas æque elasticas esse ac sunt globi vitrei, laminæ chalybææ? Verùm globus vitreus ex alto in pavimentum delapsus, rursusque iterum cadens & resiliens intra breve tempus omnem velocitatem seu motum amisit & ex cal-

culo illustrissimi Præsidis post decimum sextum lapsum ejus velocitas erit ad primigeniam ut 5 ad 16. chorda chalybæa in ipso aëre vibrationes suas exercens intra tria vel quatuor temporis secunda ferè quiescit utcumque tensa hinc & inde fuerit & elastica, verùm fibræ cordis oscillant intra fluidum cujus densitas est septingiesies aut octingiesies major densitate aëris, ergo ex principiis Newtoni propos. 37. tantò citius motus elasticus earum evanesceret; sed quod nodum prorsus resecat, attritu, corporum vires destrui demonstrat Newtonus; nam globus in fluido ejusdem secum densitatis motus mediam velocitatis suæ partem prius amittit, quam longitudinem duarum diametrorum descripserit. Propos. 38. l. 2.

PROPOSITIO SECUNDA.

Motus cordis perennari nequit à motu circulatorio fluidi nervei.

Nequidem uni peragenda contractioni par esse potest sola contractilitas vires à solâ mechanica dispositione mutuans; ergo & à fortiori hujusce motibus alternatim continuò conficiendis. Nec quis increpet gratis omninò proferri primam propositionem, quippe contracti-

litatis effectus æqualis esse debet vi illam producenti cum ex axioma æternæ veritatis effectus causis suis semper proportionales existant, atqui vis contractionem producens spectata in merâ machinâ longè minor est quàm ut excitet contractionem validam quâ sanguis è ventriculis cordis tanto impetu in arterias appensas ejiciatur, quanto ipsum reverà ejici indubitato experientia testimonio patet; si quidem vis musculos contrahens nullo ferè refragante phisiologo, repetitur à motu liquidi nervei intra tubos nerveos in substantiâ musculorum ubique dispersos: sed motum liquidi illius nervei ejiciendo sanguini vi suprà dictâ insufficientem esse facili negotio demonstratur; nempe quis in dubium vocaverit majorem motum à minori nunquam producendum fore? igitur si motum liquidi nervei qualem à solâ machinæ dispositione habet, evincamus longè minorem esse eo qui sanguineæ massæ intra arterias expressæ imprimitur, totam molem sanguineam eâ quâ par est celeritate, à liquido nerveo non moveri luculenter patebit: jam verò hujusce Demonstrationis opus sequenti ratiocinio facile absolvitur. quidquid motus habet liquidum nerveum totum accipit à sanguine carotidi-

bus & vertebralibus arteriis ad cerebrum devecto, quæ quidem solæ cerebri substantiam irrorant; proinde ad summum eodem polleret motus gradu quo sanguis ille in arteriarum supra dictarum tractu protulset (quod quidem gratis omnino datum vel levissimè attendenti liquet.) Atqui motus ille totus quo sanguis in carotides & vertebrales arterias truditur prorsus imparcendus est movendæ toti massæ sanguineæ eâ quâ videmus illam exprimi velocitate, nimirum motus ille est portio dumtaxat motûs illius qui communicatur toti massæ; ergo minor est motu qui sanguini expresso è ventriculis inditur, cum pars sit minor suo toto: ergo ab ipso velocitas eâ communicari non poterit sanguineæ molli quam sanguini exilienti impressam experientia testatur. Unde concludendum est à liquido nerveo etiam posito quod totâ vi præditum sit quâ sanguis viget in arteriis vertebralibus & carotidibus, contractionem fieri non posse quæ valeat debitâ vi cruoris circuitum intra vasa sanguifera producere. Ergo patet propositum.

SCHOL. Nec fugit hancce propositionem etsi ritè demonstratam nil tamen pro nobis pugnare a plurimis dicendam, nonne

enim , inquit , maxima pondera à minimi momenti potentiis quotidie sublevari cernimus posita machinæ structura vi motrici dum applicatur favente : bellè quidem : sed illa intimior structura assignetur in corde , quæ applicationi liquidi nervei favendo , ipsum efficiat aptum maximo motui producendo : nulla certè huic effectui magis idonea quàm vesicularum series , ingeniosissimum Borelli excogitatum , sed eò loci non veremur asserere etiamsi admitterentur vesiculæ hujuscemodi in substantiâ cordis, motus illius alternos explicatu impossibi-

Qui mechanicas Leges ignorant , in cum scilicet incidunt errorem ut credant à machinarum dispositione vires potentiarum motricium multiplicari ; cum tamen in omni machinâ res eodem prorsus modo se habeat ac in vecte , scilicet in statu æquilibrii inter vim motricem & resistentem , altera adæquet prorsus alteram sive moles & velocitates hinc & inde eadem sint , sive reciprocentur. Sic cum ope vesica per stipulam aëre immisso distensa mola molendinaria æquilibratur , moles aëris in stipulâ est ad molem ponderosæ mola ut velocitas quâ elevatur mola , ad velocitatem aëris immissi. Ergo vires seu

biles dari. Quippe ut liquidum nerveum contractiones musculi illius ciere valeat semper necessum est (prædictæ insistendo hypothesis) vesiculas ab eo repleri , sed quâ fieri poterit , dum sanguis validè distendit parietes ventriculorum , & proinde vasa nervæa ibi intertexta notabili impetu coarctabit ? nonne huic liquido per tubulos suos lentissime trananti , vincenda erit tota illa resistantia quam opponet sanguis ex auriculis in ventriculos protrusus ; vis autem quâ sanguis subit cordis thalamos est præcisè æqualis vi quâ ex illis extruditur se-

momenta aëris & mola debent æquilibrari ; ut itaque fluidum nerveum circulatoria vi propulsam contrahere possit cor , aut ex illo sanguinem exprimere , productum ex velocitate illius fluidi in ejus molem intra idem tempus ad cor immissam , æquale debet esse productum ex velocitate sanguinis à corde intra idem tempus expressi , in ejus molem ; quod sic evincitur ; nervi cardiaci omnes simul sumpti nullam habent ne microscopio quidem sensibilem diametrum , & sunt propagines arteriolarum carotidum vel vertebraliū ; verum demonstrante Keillio tentam.
2°. Velocitas fluidi circulantis in minimâ ex-

vi sanguinis aortam tranantis, adeoque indefinite major vi fluidi nervei in cardiacos nervos à sanguine subsequente propulsi. Ergo etiam admittenda illa hypothesi quæ magis faveat applicationi vis motricis, merè mechanice non explicabuntur alterni cordis motus.

Nec dixeris eos fieri propter refluxum quempiam spirituum quem juxta cognitæ sympathiæ leges sequitur eorundem influxus; qui quidem refluxus adscribi non possit nisi stimulo ab hærentibus & cumulatis humoribus fibrillas nerveas distrahentibus ac prementibus illato. Captu enim difficillimum esse videtur à causâ canalem quemlibet comprimente in ipso majorem liquidi co-

teritiâ evanescente, est ad velocitatem in aortâ, ut 1. ad 44000. atque aortæ orificium est ad orificium simul omnium nervorum cardiacorum ad summum, ut 44000. ad 1. ergo vis fluidi nervei in cor immitti quæcumque sit cordis mechanica & dispositio, est ad vim quâ sanguis in aortam exprimitur ut 1. ad 1936., 000, 000. ergo impossibile est cor moveri à fluido nerveo ea donato tantum velocitate quam à pone sequenti sanguine seu à corde fuerit mutuatum.

piam accerfi posse juxta leges merè mechanicas. Quidquid enim movetur ab alio movetur.

PROPOSITIO TERTIA.

Contractio muscularis & contractio elastica sibi mutuum auxilium prestare nequaquam possunt.

Nimirum constat vires illas mutua sibi non præbere auxilia, quæ diversis temporibus, & modo planè diverso agunt; atqui contractio muscularis, & contractio elastica diverso tempore, modo vario vires exerunt suas: quod sic evincitur; per contractionem fibrarum muscularium elasticam intelligitur, vis illa quâ fibræ musculares scissæ sese plurimum decurtant, elongationi suæ renituntur plus in vivo, minus in mortuo. Boërrave n^o 401. ergo actio illius prorsus opposita est actioni vis cujuslibet fibras easdem distendentis & elongantis; atqui sic se habet vis muscularis contractiva; quippe contractio illa, in quâcumque hypothesi adversariorum opinioni magis favente, supponit vasis vel tubulosi, vel vesiculosi, vel rhomboidalis retis dilatationem juxta diametrum, & axeos simul decurtationem: sed fieri nequit dilatatio vasis cujuscumque juxta diametrum

metrum quin realiter villi illius distendantur & elongentur, si quidem hacce dilationis suppositione factâ lineam magis curvam inter duo puncta describent ipsi villi longitudinales antequam pondus appensum adduxerint. Sic fibræ musculi masseteris, clauso etiam ore; distrahi possunt inter duo puncta fixa ac proinde elongari, à fortiori elongabuntur fibræ musculi nondum contracti, quod autem flexio ac proinde elongatio chordæ flexibilis utcumque tensæ à vi utcumque exiguâ fieri queat, demonstrat Varignon. Mechan. Ergo vis contractiva muscularis fibras musculares distendere summo opere nititur; contrarium autem effectum inducit vis contractionis elasticæ, quoties muscularis contractionis causa desinit, Boërrave n°. 407. ergo vires illæ diversis agunt temporibus, & modo planè diverso, sibi igitur ad unum & eundem effectum producendum manus auxiliatrices præbere nequeunt; & proinde simul sumptæ circulationem sanguinis perennare non valent: quod erat probandum.

COROLLARIUM.

Ex dictis sat luculenter patet à potentiis

quæ reperiuntur in corde , ipsius contractionem neque induci , neque continuari : unde jure concludimus merâ necessitate mechanicâ cor nunquam movendum.

PARAGRAPHUS III.

In quo stabilitur animæ dominium in vitalibus motus.

PROPOSITIO PRIMA.

Cordis motus pendent ab animâ tanquam à potentiâ motrice.

Hæc Propositio superioris Paragraphi confectaria est ; quippe duplicem dumtaxat substantiam in homine agnoscunt omnes , spiritualementem nempe & corpoream ; utrique proinde quæ in eo geruntur tribuenda sunt, vel alterutri quoties illud commodè & absque rationis dispendio fieri posse videtur ; sed probatum est cordis motus merâ necessitate mechanicâ & independenter ab animæ imperio nunquam perennandos fore : ergo conclusio liquet nimirum hosce motus ab animâ tanquam à potentiâ motrice , sicut

& cæterorum muscutorum, cum aliquo tamen discrimine inferiùs assignando, indubitanter pendere.

Quod etsi probatione ulteriori non indiget, attamen invictiùs adhuc confirmatum censemus, si motus quosdam in corde deprehendi demonstretur, quorum explicatio, nisi animæ jus illud debitum redatur, omninò impossibilis esse videtur.

PROPOSITIO SECUNDA.

Intenduntur cordis motus, etiam remittuntur prout variis animi pathematis afficimur, illudque explicari nequit absque eo quod animæ dominium in cordis motus agnoscatur.

Voluptatis & mœstitiæ sensus sunt procul dubio animæ affectus, nullus enim sa-

Ne innovationis quis temerè nos incuset, advertendum volumus eam fuisse Veterum omnium sententiam, cordis motus ab animâ aut ejus facultatibus pendere, ulquequò Cartesiani animam ab hoc opere ferriari voluerunt; sic Hippocrates L. de corde. Anima enim insita est in sinistro ventriculo, & reliqua menti imperat.

nus materiæ sentiendi vim bonâ fide concesserit ; atqui prout voluptatis sensu titillatur , aut mœstitiæ ingrâtâ sensatione obruitur anima varii quoque motûs gradus in corde conspiciuntur , modo enim fortius contractiones edit quod fieri vidimus , dum lætitiâ perfundimur ; scilicet voluptas jucundus est animi sensus quem excitare valet boni cujuscvis sensibilis idæa sive tanquam futurum spectetur , sive præsens ; totâ igitur tunc temporis in eo verti debent mentis potentia ut bonum illud oblatum sibi conciliet , sibi que , ut ita loquar , uniat ; hinc validiores cordis contractiones & sæpius repetitæ , exinde calor totius corporis adauctus , nitent in ore colores rosacei , splendent oculi , & vel ægrotans ipse novas vires valetudinemque acquirere videtur : sed modo prorsus dispari procedunt motus illi dum mœsto doloris sensu mens afficitur : cum

Primum animum dico , mentem quam sæpe vocamus.

In quo consilium vitæ regimenque locatum est. *Lucritius Cicero rem explanat cum dicit , anima est quâ vivimus , animus quo sapimus. Riverius Galeni interpretæ ait , animam id esse per quod vivimus , sentimus , intelligimus & loco movemur.*

enim pendeat ille affectus ab idæa mali sive præsentis, sive futuri, tota in mediis quibus profligari possit inquirendis anima detinetur; inde horrescunt totius corporis muscoli, languidiores fiunt contractiones, vasorum arteriosorum pulsus imminuitur, vultus pallet &c. in utroque vario illo casu variantur cordis motus, ut patet ex enumeratis Phœnomenis: jam verò illud merè mechanicè explicari posse quis contendet? quis illam motuum modò accelerationem, modò retardationem à simplici specierum objectarum impressione immediatè exoriri asseveret? somniabitne aliquis illud repetendum ex quâdam fictitiâ cerebri dispositione? sed qui mechanicam horumce motuum explanationem dare sese gloriantur (si qui sint) rationem afferant cur è duobus viris unà deambulantibus nuntio præcisè eodem delato, alter in vehementes voluptatis motiones erumpat, alter verò tristitiâ oppressus, veluti telis confossus videatur; nonne recurrant ad impressionis varietatem, vel ad fictitiâ cerebri fibrillarum combinationem? anne potius qui bonâ fide agent hujusce phænomeni rationem petent è variis quibus objecta animæ discurrenti offeruntur modis, consequenter ad quos modò gau-

det , si bona prænuntient & omnia gaudii phænomena inducit in corpore cujus conservationi invigilare tenetur , modò si tristitia prælagiant , mœret , & omnes mœroris affectus corpori ingerit , quod tutelæ creditum est ? ergo motus cordis intenduntur , etiam remittuntur prout variis animi pathematis afficimur , & illud explicari nequit absque cognito animæ dominio in vitales motus cordis.

SCHOL. Eâ ratione manuum & pedum motus animæ volenti tanquam causæ motrici tribuimus , non verò fluidorum ullorum circulationi , aut ætheris , gravitatis &c. actioni , quod motus harum partium voluntatis actum sequatur & huic intensitate ac duratione proportionalis sit ; ita motus cordis febriles , subsultorios , tremorem , convulsionem totius corporis ex nuncio pravo accedentes seu ex dato animi affectu violento , animæ affectæ tribuendos censemus tanquam causæ motrici , non verò vi mechanicæ fluidorum circulantium , ætheris aut gravitatis , aut radiis lucis à lectâ epistolâ ad rethinam pertingentibus , quæ cum uniformiter & continuò agant in nos , non tamen continuò has pathematum procellas inducunt. Sic si scapham stagno tranquillo vel unifor-

miter undulanti innatantem vel quiescentem vel uniformiter prius motam viderim, sed quoties vehemens afflat ventus eam toties celerius moveri conspiciam, certè motum ejus celeriores non ab aquæ motu, nec ab auræ lenis præsentia sed à vi motrice venti adauctâ pendere pronunciaverim. Qui verò procellosos corporis motus à pravo nuncio, aut à somnio excitatos, tribuerit dispositioni cerebri aut radiorum lucis ex Epistolâ nunciâ proficiscentium & rhetinam impingentium is certè mediâ in luce cæcutire amat & serio nugari.

COROLLARIUM.

Sat invictè, ut opinor, probatum fuit effectus quos à variis animi pathematis in

Tanta observatur inter varias anima facultates dissensio ut Veteres non pauci duplicem imò triplicem animam statuerint, sed unicam cuilibet homini concessam definire sapientiores Philosophi, & Concilii Lateranensis Patres, Sess. 8. mirum tamen est varias ejusdem anima facultates tam sæpè secum pugnare, unum pro pluribus erit exemplum Medea quæ Jasonis

corpore nostro intendi videmus & remitti
 ab ipsâ animâ tanquam à causâ produci ;
 proindèque proum esse deducimus , ipso-
 met motus uniformes cordis eidem substan-
 tiæ tribuere ; quæ quidem , ut ait Divus
 Augustinus , *ad semetipsam dicitur spiritus ,*
& ad corpus anima. Anima dicitur in quan-
tum est vita corporis ; spiritus verò in quantum
est substantia spiritualis. Unde etiam illud
 eruere licet quod plurimas in homine sub-
 stantias spirituales diversas admittere nefas
 quidem sit & rationi prorsus inconsenta-
 neum , sed in unâ eâdemque substantiâ di-
 versas facultates & operationes agnoscere

*amore percita , sic rationis & natura pugnans
 Graphice non minùs quam verè depingit.*

Excute virgineo conceptas pectore flammæ...

Si potes infelix: si possem, sanior essem ,

Sed trahit invitam nova vis , aliudque cupido;

Mens aliud suadet, video meliora proboque

Deteriora sequor,

*Quæ cum ita sint, quis negaverit functiones &
 motus varios organorum corporis , reluctante li-
 beræ voluntate , ab animâ exerceri posse?*

nit

33
nil ulla ex parte implicet ; & certè quid intel-
ligendum veniet per luctam illam car-
nem inter & spiritum toties in Scripturis
memorata : cui tribuentur vividi adeò
animi motus quos cum admiratione terro-
ris sensu mixtâ nonnunquam suspicimus in
Heroibus Scenæ Dramaticæ , dum eos etsi
imbutos sanioribus principiis , imò & probe
sceleris patrandi conscios , ab eo tamen non
abstinere vehementi passionum æstu raptos
cernimus , dum , ut concinnè exprimit Cele-
berrimus antiquus Poëta , meliora videntur,
deteriora sequuntur. Constet igitur nulla-
tenus repugnare , imò & admittendam in
animâ facultatem quamdam quâ tutelæ
corporis invigilans , omnes hujus vitæ mo-
tus necessarios exercet.

SCHOL. Neque in nos ingeri potest hosce
motus alternos cordis nobis etiam reluctan-
tibus fieri , quod non contingeret si pende-
rent ab animâ ; nam invictè demonstravi-
mus eos à machinæ dispositione solâ repeti
non posse , & ideò gravissimis innixi ratio-
num momentis à spiritali substantiâ , quam
præter & corpus in homine nil agnoscimus,
produci : igitur etiam si quid difficile expli-
catu ex veritate inconcussâ sequatur , non
ideò veritas abneganda , sed potius in eo totum

esse debemus ut phœnomenorum difficiliorum rationem uti par est , verisimiliorem investigemus : sic eidem insistentes methodo Physici , experimenta non idcirco vocant in dubium , quod stipentur quibusdam phœnomenis quæ principiis certis contradictoria primâ fonte videntur. Ergo cuicumque nostram de imperio animæ in vitales motus sententiam evertere nitenti , ipsamet principia quibus superstruitur , evertenda sunt , & unum à nobis expostulari valet , nempe phœnomenorum utcumque difficilium explanatio rationi magis congrua , quod negotium nobis incumbere non inficiâs imus ; etsi primo intuitu animæ essentia contrarium videatur motus ab ipsâ productos nobis reluctantibus induci , attamen post attentius examen summæ benigni Creatoris sapientiæ congruum esse patet , quippe motus cordis ab animâ etiam invitâ cieri , à Creatore summo ratum esse existimandum est , quod facultas illa animæ quæ libera seu electiva dicitur multis illusionibus & phantasiis obnoxia parùm tutelæ machinæ cui unitur apta extitisset , undè aliûs facultatis ministerio motus vitæ absolutè necessarios absolventes voluit.

Præterea , nonne plurimorum injucunda

experientiâ constat nos sæpè sæpiùs , in scabie v. g. variolis , &c. à scalptu abstinere non posse : quis ex eo concludet motus digitorum scalpentium voluntati non esse subditos ; ergo etiam si motus cordis fiant nobis invitis & reluctantibus , eos ab animâ non produci perperam asseveratur.

Sed insurgent aliqui nobis saltem insciis motus illos fieri non debere , cum anima suarum operationum semper debeat esse conscia , quos ad refellendos una sufficit experientia ; 1°. quidem motus extremitatum à liberâ voluntate pendere non negabunt : atqui tamen moventur aliquando absque eo quod conscii simus illius animæ nostræ determinationis , quâ versùs illas major determinatur fluidi nervei copia , quod in iis accidit , quorum mens attentissimâ serii cujuscunque argumenti contemplatione velut sepulta manet , dum interim deambulant.

2°. Ut corpus nostrum unico pede inmixtum in situ recto & æquilibrato retineri

Vide Borellum Propos. 80. in quâ motum cordis fieri posse contendit ab animâ licet insciâ propter consuetudinem à primo vita instanti ac-

queat, musculi Antagonistæ artificiosâ vicissitudine, modò trahi, modò relaxari debent, tunc enim vacillatio cessat, quando centrum gravitatis in plantâ pedum perpendiculariter incidit; hunc autem mirabilem mechanismum ab iis effici videmus qui prorsùs non advertunt, imò & ignorant se musculum lateri inclinato contrapositum trahere; quique proinde harumce animæ suæ volitionum conscii non sunt.

3°. Pueruli lactentes fugunt, & organa sibi prorsùs ignota mirabili mechanismo peritissimè movent, rustici quoque musculis quotidie utuntur quorum tùm nomina, tùm situs ipsos penitùs latent; tanta est, inquit Borellus, habitùs acquisiti efficacia: ergo exinde tutò concludere licet actum reflexum quo anima advertat se velle, non videri necessarium ad hoc ut velit.

quisitam, quod comprobas exemplo Citharistarum qui ignotos sibi musculos in numerum movent velocissimè & citra animadversionem peritissimè, quique si perscualatiùs operi incumbant, aberrabunt.

COROLLARIUM II.

Et in quo statuitur Febris causa proxima.

Duplicem esse facultatem motricem in animâ præcedenti Scholio innuimus; alteram quæ libera est quâ bonum oblatum ex electione complectitur, & quâ malum totis viribus fugare nititur, alteram verò soli vitalium motuum conservationi invigilandæ destinatam juxta necessarias Leges à supremo Numine sancitas; huic igitur facultati cura mandata fuit omni virium nisu in id unum vertere ut semoverentur ea omnia, quæ machinam intus labefactantia ipsius integritati nocere valent; veluti voluntati, quam dicimus liberam, commissa fuit Provincia semovendi quæcumque applicata exterius, vel introgerenda eidem machinæ detrimenti quidpiam afferre possunt: ergo facultatis illius quarum operationes coactas asseveramus juxta sapientissimum Creatoris summi consilium, præcipuum munus est, ut quantum in se est, circulationis vitæ necessariæ functionis impedimenta omnimodè arcere moliatur; illud autem nequit præstare quin vires trivas cordis majori

liquidi nervei copiâ immisâ audaugeat, quoties obices perferuntur; ergo cum febris in vi cordis adauctâ essentialiter consistat, febris causa proxima statui debet, *principii vitalis conatus circulationi positos obices semovere nitentis*. Et certè ex hac causâ proximâ ritè symptomata ipsi essentialia & in definitione enumerata facili operâ deduci posse patebit postquam reliquas & ut aiunt, procatarticas causas per transennam examinaverimus.

SCHOL. Hanc facultatem quæ tutelæ corporis juxta Leges immutabiles invigilat, principium vitale vocamus, cum Junkero; sed quodcumque libuerit nomen quisque imponat, modò de ipsâmet illius existentia nullas excitet controversias, nil contra nos proficiet: eandem tamen Antiquis cognitam fuisse, & naturæ nomine insignitam probasse non abs re erit: licet enim naturæ nomen pro rerum universitate, microcosmi ordine, Authore, corporis mechanismo &c. usurpatum fuerit; attamen rectè definitum accipi solet à Medicis pro ea animæ potentiâ seu facultate quæ continuò tutelam corporis in partibus potissimum internis invigilat; cujus agendi modum æquè nos latet ac mechanismus quo voluntas motus suos

exequitur , & quo facultas quælibet motrix , scil. impulsio , attractio & gravitas diversa universi phænomena producant. Sic natura , ait Aristoteles , est principium ac causa motûs & quietis in corpore in quo est ipsa , eaque agit per se , non per accidens. Natura , ait Hippocrates , sexto Epide. sectio.

§. morborum est medicatrix , luctam init illa cum materiis morbificis , vias ipsa sibi facit , & motus producit , atque quò vergit illa , eò Medicum ducere oportet , ipsa cum in-erudita sit , quæ ad sanitatis restitutionem expediunt , optimè peragit. Huic opinioni , velut Medicorum Legi supremæ omnes verè Hippocratis Discipuli , adstipulati sunt , ut Galenûs olim & omnes Arabes , ac nuper omnes Hippocratis Affectæ , Sidenhamus , Baglivus , Stalhius , Junker , Nenter , &c.

2°. Ergo non nova est opinio , sed Veterum usu & autoritate jamdudum stabilita ; etiam si insuper , innovasse in Medicinâ scelus non sit , quoties rationi consentaneæ innovationes quidpiam utilitatis vel in Theoriâ vel in Praxi afferunt.

De causis remotis Febris.

Causa remota morbi dicitur illa quæ eorum
 pus ita mutat ut aptum sit suscipere mor-
 bum si adhuc alia accesserit , non est ergo
 integra unquam nec sufficiens illi morbo
 producendo , nec alia illa accedens sola eum
 pareret , at utraque simul , Boërrave n°. 741.

Ex eâ definitione facile deducitur , illud
 omne , tanquam causa febris remota , spec-
 tandum esse quod circulationis liberum exer-
 citium ita præpedit ut principium vitale
 perpetuò illius functionis integritati invi-
 gilans teneatur vires cordis trusivas adau-
 gere , ne factæ minores vi resistente aut
 stimulante materiei cujuscumque morbificæ,
 brevi aboleantur , sicque pereat homo : ma-
 teries autem morbificæ , ut experientia do-
 cet , sunt vel stimuli partibus internis aut
 externis applicati , vel resistentiæ circula-
 tionis viribus oppositæ , quorum omnium cau-
 sæ , & ideò febris procatartica , reducun-
 tur aptissimè ad ingesta , gesta , retenta &
 applicata ; quæ proin sola leviter perstrin-
 gemus , dum in causas semotas seu procatar-
 ticas febris inquirendum venit. Itaque primo

INÆSTA sunt , aër , cibus , potus , me-
 dicamen ,

dicamen , venenum per meatus oris , pulmonis , œsophagi , ventriculi , intestinorum pudenda , vulnera , specie visibili , invisibili , fumo , haustu , injectu , attractione corpus subeuntia ; jam verò ad producendam febrem remotè concurrunt stimuli vices gerendo , quoties irritantia sunt , acria , acida , pungentia , caustica , venenata & alkalina volatilia. Quippe quemadmodum ab illis , posito quod extricentur in ventriculo , vividæ , celerioresque hujus & intestinorum contractiones excitantur , ita si vasa sanguinea subeunt , corque ingrediantur , velociore eorum motus inducent , vim cordis motricem ; ut superius innuimus , excitando.

Resistentiæ quoque munus obeunt ingestæ , si copiosiora , & densiora fuerint , si tenacia , viscosa : quippe fluidorum motus intra canales eò difficilior est , quò eorum major moles , densitas , tenacitas , ut liquidò patet : & proindè (ut comparationi superius institutæ insistatur) eâdem ratione quâ in stomacho aggesta , pondus , nauseam , vomitum , diarrhæamque sæpè sæpius inducere valent , eâdem prorsus , sanguinæ massæ immista , motum illius fluidi retardare dum nitentur , vehementiores cordis contractiones efficient , quibuscum , in eo

casu necessario jungitur febris.

GESTA sunt actiones animi corporisque reciprocae in somno, vigiliâ, quiete, exercitio, pathematis, adauctæ, vel imminutæ; inde stimulatorum vel resistantiarum causæ diversæ, sic à somnolentiâ, desidiâ, animi languore, non sufficienter sanguis atteritur, hinc inspissatur; non sufficienter ingesta coquantur, hinc obstructions, non rectè procedunt excretiones, hinc multiplex offertur circulanti sanguini resistentia.

Si è contra vigiliæ diutiùs protrahantur, si nimium labori indulgeatur, animi pathemata vivida sint & frequentia, sanguinis motus perturbatur, adaugescit calor & exsiccatio, imò acrimonia unde phlogoses, irritationes & stimuli.

RETENTA ad quæ referuntur tùm ea quæ foràs amandari debent, nec tamen amandantur, tùm ea quæ præternaturaliter intùs generantur, etiam vel resistunt, vel stimulant. non secùs enim ac calculus gravis, asper, vesicæ inditus illam ad frequentiores contractiones sollicitat, ita & urina suppressa, bilis, perspiratio, pus, virus, in vasis retenta, ipsa & cor potissimum ad motus velociores excitant.

Si podex phlogosi, hæmorrhoidibus, spaf-

mo tentatus excernenda retineat , licet nec acrida sint , nec stimulantia ; aer in intestinis contentus rarefit ; moles fecum aggeritur , hinc conamina ad excernendum , tormina , colicæ , tenesmi , velocior intestinorum motus ; simili mechanismo in vasis sanguiferis retenta febris præbent occasionem , qualia sunt , sanguis menstruus , hæmorrhoidalis , urina , perspiratio &c.

APPLICATA demùm tùm necessaria ut aer , vestes , tùm fortuita ut ictus , morsus animalium , ligaturæ , stimulando vel resistendo febrem inducunt : sicut enim aer gravis , elasticusve nimis asthmata renovat , tussis cieit & frequentiores pulmonum pectorisque contractiones ; sic eodem modo cordis intensiorem motum ciebit maximè si fumo acri , vapore adstringente , acido acri , gravis sit , & hocce pacto stimulet ; ligaturæ artubus injecta circulationi resistendo ; punctura , morsus , vulnera nerveis partibus inflicta : furunculi enati , stimulando febrem producant.

SCHOL. Unde per transfennam annotasse proderit , omnes illas causas nedum circulationis motum accelerent ipsam penitus everfuras ni præstò esset principii vitalis auxilium.



ARTICULUS TERTIUS

De Symptomatibus Febris.

Definitiones.

I.

Symptoma est quicquid præter naturam accidit. Gal. cap. 1^o. L. 1^o. Met.

SCHOLIUM.

Quicquid extra sanitatis ordinem ac consuetudinem in corpore vivente datur evidenter observandum, symptoma dicitur.

I 1^a.

Morbus est symptomatum ab eadem causa pendentium congeries.

Unde frequentia pulsus seorsim ab ejus magnitudine sumpta, & vicissim magnitudo absque frequentia spectata sunt morbi, qui febris dicitur, symptomata & quidem essentialia cum sine eorum congerie reperiri nequeat, secus ac plurima alia quæ revera eum ferè semper comitantur, & sine quibus

tamen aliquando dari potest ; qualia sunt frigus , calor , dolor capitis , &c. nobis igitur febrilium symptomatum rationem reddituris explicandum incumbit , quo pacto inducantur tum frequentia pulsus , tum ejus magnitudo ; dein frigus & calorem , utpote frequentissima , si non essentialia , hujus affectus symptomata enucleare perstricim , aggrediemur ; quod Propositionibus duabus absolvetur.

PROPOSITIO PRIMA.

Explicatur ratio cur frequentia & magnitudo pulsus in febre notabiliores sint quam à præsentis virium muscularium gradu expectandum sit.

In omni febris constantis specie dantur morbificæ materies , circulationis viribus oppositæ , quas aut vincere , aut atterere nititur vitale principium , quem finem assequi nequit quin vires trusivas cordis adaugeat , quod probatu non indiget : jam verò vires cordis trusivæ adaugeri non possunt , quin pari passu imminuantur , saltem relativè , vires animales seu musculares , ut clarè patebit revocanti in memoriam physiologicum

Articuli primi postulatum : ergo vires circulationis notabiliores fient cum virium muscularium dispendio ; sed vires corporum mensurantur ex producto velocitatis & molis seu magnitudinis ; ergo quoties ponetur febris , ponentur tum velocitas seu frequentia , tum magnitudo pulsûs sive dilatatio parietum arteriosorum notabiliores quàm à præsentī virium gradu expectandum sit.

SCHOL. Quamobrem notandum est , quoties dicitur in febre malignâ v. g. pulsus tardum esse , & parvum , illud intelligendum venire de pulsu prout confertur cum eo qui viget dum vires animales inter & vitales ad sanitatem requisita proportio reperitur , nullâ ratione habitâ præsentium ægroti virium muscularium , sub hoc enim respectu semper velocior est & major ut probatum est.

PROPOSITIO SECUNDA.

Frigeris & caloris ratio exponitur.

Calor spectatus materialiter seu in corporibus hujuscemodi sensationem inducentibus , ni aliud est quàm major extricatio particularum ignearum in ipsis contentarum ,

quæ quidem in sanguine, ortum debet violentiori partium fluidarum in se mutuo, in vasa, horum in illas attritui, qui à varijs causis originem ducit fusiùs memoratis à Boërravio, Aphori. à 673. ad 688.

Frigus è contra calori prorsùs oppositum supponit attritum liquorum in se mutuo, in vasa minorem, motum circulatorium imminutum &c. Boërrave, Aph. 621.

Essentiâ frigoris & caloris sic expositâ quo-

Calor corporum eâdem datâ ignearum particularum copiâ, est in ratione compositâ ex simplâ densitatis & ex duplicatâ velocitatis corporum attritorum. Herman Append. ad Phoronomiam. Sed vires corporum fluidorum in eâdem sunt ratione, ergo vis sanguinis in ejus caloris ratione crescet.

Frigus est in ratione caloris, adeoque virium inversâ, atque si simul decrescat pulsus diameter & tensio atque velocitas, periculum mortis crescet in ratione diametri & velocitatis pulsus imminutarum duplicatâ & tensionis decrescantis simplâ, quia vis circulationis, mensura scilicet vitæ, juxta has rationes imminuitur. Hinc qui à febre intermittente pereunt, persistente frigore decedunt.

modo reperiantur in febribus explicare non erit arduum, quippe cum constet sanguinem ex corde in arterias fluere excessu tantum vis motricis supra resistentem, minor sanguini in arteriis contento motus quantitas communicabitur, quoties resistentiæ ex parte ipsarum tractus adaugebuntur, sed illud fit initio febrium dum materia morbifica totis adhuc viribus suis pollet, & morbo recrudescendo apta deprehenditur, ergo febrium initio, minor sanguini in arteriis contento communicatur, imminuitur consequenter liquorum in se mutuo, in vasa attritus, unde positus ad frigoris sensum excitandum requisitis necessario ponetur febrile frigus; si verò obices sensim à vi cordis adaucta subacti cedere incipiant, tunc minor resistentia ex parte arteriarum, major proinde motus quantitas sanguini in illis contento inditur; unde violentior partium fluidarum in se mutuo, in vasa, horum in illas attritus, unde proin copiosior particularum ignearum extricatio, uno verbo calor exorietur, eâ proportionem adaugendus quâ vincentur obices oppositi, & liberior circuitus sanguinis evadet.

Hoc in loco mirari subit quorsum in præiudiis febrium atque ipsarum exorsu debilitentur

tentur facultates vitales quod ex pulsu exili, quandoque rariori ac laxiori, ex frigore & syncoptico pallore patefit, quorsum vis vitalis non intenditur pro ratâ resistantiæ crescentis ratione? quorsum principiis non obstat, anne vires suas natura recolligit, quâ fortius morbi causam aggrediatur? simile quid in iræ accessu saltem observare est, unde non ineptè à Clariss. Hallensi Professore febris accessus animi excandescentis pathemati comparatur.

A P P E N D I X

In quâ proponuntur Objectiones.

Multis argumentis armati naturæ tum existentiam, tum vires, tum etiam nomen ipsum impugnarunt Viri percelebres Boileus Tract. de ipsâ naturâ, Frid. Hofman Diss. de naturâ medicatrice, &c. quorum præcipua selegimus & compendiosè refellemus.

1°. Abstinendum est à vocibus ambiguis, quarum vim non definivit usus, ut est vox naturæ quæ usurpatur pro universi Authore, rerum essentiâ, ortu & genesi, motûs cujusvis lege, rerum stabilito ordine, rerum

universitate &c. 2°. Si usurpetur pro eâ animæ facultate quæ tutelæ corporis semper invigilat , occulta facultas designatur à Physices tyronibus dudum exhibitata.

Respondeo 1°. quod apud Medicos nil est vulgatiùs nomine naturæ , unde Medicus dicitur naturæ Minister & Interpres , & dicitur ipsa Medicina Scientia rerum quæ sunt juxta , contra , ac præter naturam , nil certè in ore plebis ac Medicorum magis tritum , adeòque hanc vocem missam facere nec æquum est , nec facilè. 2°. Ex eo quod & acceptionum diversitas & ejus essentiæ obscuritas summam in rebus medicis caliginem suffuderit , non ideò existentia ipsius videtur neganda. Sic *Facultates* motrices , attractrices , licèt à Philosophiæ Tyrunculis explosæ , licèt ignotæ & occultæ , scèliciter à Mechanicis in usum vocantur. Quid animæ nomine non intellexere varii Philosophi , quam diversis nominibus ipsa non fuit insignita , quantâ caligine adhuc dum est involuta ipsius essentia ? hæc est juxta quosdam forma substantialis , actus informans corpus , flammula vitalis , vapor subtilissimus , summi numinis radius , juxta alios status , harmonia , phantasma , archæus , Entelechia sunt qui eam in cerebro , in glandulâ pi-

neali, in centro ovali reponant, alii ipsam in corde, ventriculo, diaphragmate constituunt, aliis dicta *Gnome*, illis *Pf. he*, quibusdam *Eren*, *Thymos*, *Pneuma &c.* non ideo tamen à sanioribus Philosophis tanquam ens rationis & quid chimericum exilio damnatur.

2°. Verùm, inquit, si animam, naturam, similesque facultates in-Physicis adhibeamus ad nihilum redibit Philosophia, cum vel ignarissimus hujus aut similis vocis ope omnia problemata possit expedire; adde quod in hac facultatum obscuritate cum omnes æqualiter cæcutiamus verum à falso vix possit secerni, demùm ad Deum omnipotentem confugere satius esset, cum tamen ea Lex in Physicis ut in Scenicis observanda sit.

Nec Deus interfit, nisi nodus vindice dignus.

Ut his respondeamus, prius advertendum est, omnes omninò corporum motus à potentiis seu facultatibus occultis pendere, seu à summo rerum Motore juxta Leges quasdam generales quæ tanquam causæ secundariæ habentur, Leges autem illæ si Newtonum audiamus, tres numero sunt, *impulsio* scilicet, *attractio* quo elater, gravitas, electricitas, fermentatio, explosio &c. referuntur, & demùm *anima actio*. Harum poten-

tiarum effectus novimus, essentiam ignoramus, ad has cum in quæstione physicâ devenit, problema solutum censetur, Imò ut notat Pitcarnius harum causarum cognitio inutilis est, cum ex effectibus observatis, leges motuum indagare possimus, quibus repertis nil ultra desideratur? verum utcumque occultæ sint illæ causæ non minùs in mechanicis Scientiis & Artibus adhibentur, ex eo quod voluntatis vi muscoli moveantur & machinæ variæ cieantur, nonne harum motus est mechanicus; anne exinde clarior & simplicior evasit harum Artium Theoria? contrarium saltem evincunt illi, qui prima hydraulices & phoronomiæ offendent theoremata.

3°. Ast regerent adversarii. Facili arte motus omnes, si miracula olim à supremo Numine perpetrata excipiamus, ad impulsionis sensibilis, vel insensibilis leges revocari possunt, & si animæ facultas motrix denegari non possit, saltem non cuilibet ex ejus facultatibus sed voluntati tantummodò, eique consciæ & liberæ, ea potentia debet adscribi? quorsum quæ tùm ad mechanisum, tùm ad voluntatem attinent, naturæ tribuere?

Fatemur nos oleum atque operam per-

didisse , si quis ex cognitis hydraulices & mechanices legibus vitæ tum sanæ tum morbosæ phænomena deducere possit ; maximè cum plurima ut motus cordis à voluntate liberâ & consciâ nequaquam fieri concedant omnes ; verùm multum abest quin adversariorum fidem quis adhuc liberaverit , cùm foeliciores hac in re , in primas mechanices leges peccasse deprehendantur , dum statuunt scilicet resistentias sanguini oblatas esse causas ejus motrices & acceleratrices , vires corporum à machinarum dispositione multiplicari , motûs quantitatem in orbe eandem remanere , & in machinis ab attritu non decrescere &c. Si verò leges fictitiæ , & instabiles , quales à scientiarum alioquin restauratore Cartesio prolatae plurimæ , & ab experienciâ confutatae , adhibeantur , nihilo plus agas quàm veteres qui cujusvis corporis proprietates ex propriâ & speciali ipsius facultate deducebant. » Affirmare singulas rerum species specificis præditas esse » qualitatibus occultis , per quas eas vim » certam in agendo habeant , (ut cor pulsare virtute pulsificâ , alimenta coqui vi » digestivâ &c.) hoc utique est nihil dicere : » At ex phænomenis universi duo vel tria » derivare generalia motûs principia (ut

» impulsione, attractionem, animæ vim)
 » & deinceps explicare quemadmodum pro-
 » prietates & actiones rerum omnium, ex
 » principiis istis consequuntur; id verò
 » magnus esset factus in Philosophiâ pro-
 » gressus, etiamsi principiorum istorum cau-
 » sæ nondum essent cognitæ; hætenus
 Newtonus. Quod autem animæ licet insciæ
 tribuendæ sint variæ partium corporis func-
 tiones & motiones, hoc nec in Medicinâ
 novum est, nec à ratione alterum, ut su-
 præ vidimus; imò necessarium evadet, si nec
 ab impulsione, nec ab elasticitate, gravita-
 te, fermentatione, electricitate, nec de-
 mum à voluntate, illas pendere probatum
 fuerit; quod evincere longius esset.

4°. Uterius urgebunt, nos chimæras
 impugnasse, cum motum cordis similesque
 mechanicos dictos, saniores Philosophi ab
 influxu fluidi nervei juxta sympathiæ leges
 perennante fieri crediderint, id est ex unio-
 nis legibus animam, datâ stimuli aut resis-
 tentiæ occasione, spiritus in partes moven-
 das amandare.

Bellè quidem. Si res ita sit ut motrices
 causas adauctas vel resistentias inminutas
 supponant quoties motus adauctus est,
 camque vim motricem in animâ licet insciâ

reponant , nil ultra regerimus & cum in rebus consentiamus , de verbis non litigabimus. Verumtamen quotidiana docet experientia animæ vim motricem ægrè & in gratiis à pluribus admitti in ipsis etiam motibus voluntariis , magnum quid enim se præstituros existimant , si à solo , ut aiunt mechanismo omnes hominis functiones explicuerint , & animæ quam Religionis tantum causâ in Phycis admittendam supponunt , facultates omnes paulatim detraxerint.

Preporrè est anima & dominatur corpore toto. *Lucret.*



E 738

L 2412

68-560

Wormser

6-7-68

ERRATA.

Pagina 1. lig. 16. sumptomatibus, *lege* symptomatibus;
pag. 8. automaticè probabit, *lege* automaticè, probabit;
pag. 17. l. 9. pronunciaverit, *lege* pronunciaverit; pag. 20.
l. 5. tractu, *lege* tractum; pag. 22. l. 8. quod sic evincitur,
lege quod sic fieri non posse evincitur; pag. 29. l. 6. arteriolo-
rum, *lege* arterioforum; pag. 38. l. 1. audageat, *lege* adau-
geat; pag. 40. l. 23. semotas, *lege* remotas; pag. 43. l. 20.
injecta, *lege* injectæ; pag. 44. l. 1. quidquid præter naturam
accidit, *lege* corpori accidit.



